



Na osnovu člana 2.9 stav (1) tačka 16) Izbornog zakona Bosne i Hercegovine („Službeni glasnik BiH”, br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16) i člana 18. Poslovnika Centralne izborne komisije Bosne i Hercegovine ("Službeni glasnik BiH", broj 29/18), Centralna izborna komisija Bosne i Hercegovine je na 14. sjednici, održanoj 09.04.2020. godine, donijela

ZAKLJUČAK

Član 1. (Predmet)

(1) Pokreće se inicijativa za donošenje Zakona o dopunama Izbornog zakona Bosne i Hercegovine:

a) u članu 1.1a stav (1) iza tačke 15) da se doda nova tačka 16) koja glasi „16) „Vanredne okolnosti“ podrazumjevaju vanrednu situaciju, stanje prirodne nepogode i druge nesreće proglašene od strane nadležnih organa u Bosni i Hercegovini.“;

b) iza člana 1.14 da se doda novi član 1.14a koji se sastoji od četiri stava i to:

„(1) Izuzetno, u slučaju vanrednih okolnosti iz člana 1.1.a stav (1) tačka 16) ovog zakona, Centralna izborna komisija BiH može odgoditi raspisivanje i održavanje redovnih izbora.

(2) Centralna izborna komisija BiH donosi odluku o odgađanju raspisivanja i održavanja izbora iz člana 1.14 stav (1) ovog zakona, o čemu obavještava sve nadležne organe na svim nivoima vlasti i javnost, najmanje 150 dana prije dana kada su izbori trebali biti održani.

(3) Odluku o raspisivanju i održavanju izbora iz stava (2) ovog člana, Centralna izborna komisija BiH donosi kad utvrdi da su ispunjeni uslovi za održavanje izbora u skladu sa ovim zakonom, a najkasnije u roku do 90 dana od službenog prestanka vanrednih okolnosti.

(4) Na odluku o raspisivanju i održavanju izbora iz stava (3) ovog člana shodno se primjenjuju odredbe člana 1.14. stav (2) i (3) ovog zakona.”

c) u članu 14.2 u stavu (4) da se iza riječi „izborima“, dodaju riječi „osim ako ovim zakonom nije drugačije propisano“.

Član 2. (Realizacija i rokovi)

(1) Inicijativu iz člana 1. ovog zaključka sa obrazloženjem odmah dostaviti Parlamentarnoj skupštini Bosne i Hercegovine sa zahtjevom da se inicijativa putem ovlaštenih predlagača uputi u zakonodavnu proceduru na usvajanja po hitnom postupku.

(2) Obavijestiti o pokrenutoj inicijativi za donošenje Zakona o dopuni Izbornog zakona Bosne i Hercegovine članove Predsjedništva BiH, predsjedavajućeg Vijeća ministara BiH, Delegaciju Evropske unije, OHR, Vijeće za provedbu mira i OSCE Misiju u Bosni i Hercegovini.

Član 3. (Stupanje na snagu)

Ovaj zaključak stupa na snagu danom donošenja.

Broj: 05-1-02-1-322-1/20
Sarajevo, 09.04.2020. godine

